

المشاهد

س ١ ٢ ٣ ٤ ٥ ٦ ٧ ٨ ٩ ١٠ ١١ ١٢ ١٣ ١٤ ١٥ ١٦ ١٧ ١٨ ١٩ ٢٠ ٢١ ٢٢ ٢٣ ٢٤ ٢٥ ٢٦ ٢٧ ٢٨ ٢٩ ٣٠ ٣١ ٣٢ ٣٣ ٣٤ ٣٥ ٣٦ ٣٧ ٣٨ ٣٩ ٤٠ ٤١ ٤٢ ٤٣ ٤٤ ٤٥ ٤٦ ٤٧ ٤٨ ٤٩ ٥٠ ٥١ ٥٢ ٥٣ ٥٤ ٥٥ ٥٦ ٥٧ ٥٨ ٥٩ ٦٠ ٦١ ٦٢ ٦٣ ٦٤ ٦٥ ٦٦ ٦٧ ٦٨ ٦٩ ٧٠ ٧١ ٧٢ ٧٣ ٧٤ ٧٥ ٧٦ ٧٧ ٧٨ ٧٩ ٨٠ ٨١ ٨٢ ٨٣ ٨٤ ٨٥ ٨٦ ٨٧ ٨٨ ٨٩ ٩٠ ٩١ ٩٢ ٩٣ ٩٤ ٩٥ ٩٦ ٩٧ ٩٨ ٩٩ ١٠٠

والله يهدي من يشاء الى صراط مستقيم ديني ، علمي ، ادبي ، سياسي هفته لق مجموعة اسلاميه در
اتبعون اهدكم سبيل الرشاد

صاحب ومدير مسئول : ح . اشرف ادیب

عدد ٣٧ - ٢١٩ ٥ ذی الحجه ١٣٣٠ پنجشنبه ١ تشرين ثاني ١٣٢٨ جلد ٢ - ٩

جهتله بلا ذبح قربانك عیننی یا بدلنی تصدق و یا خود مجاهدینك امورینه صرف ایچون اعطا شرعاً واجبی اسقاط ایتیه جکندن ذبح ایدیلهرك واجبی ادا و ایفادن صوکره قربانك جلود و لحومنی و او جلود و لحومك بدلرینی و واجب اولیوبده متوفی ابون و اقربا و تعلقاتی ایچون و یا صور سائر ایلله قطعاً ذبح ایدیلهرك قربانلرك بدلالتی مرخیر مذکورده اعطا ایتك جائز و مشروع اولدینی بوبابده افواه ناسده دائر و بعض اوراق حوادثه مبسوط بعض مقالات اوزرینه لدی السؤل فتواخانه دن افاده قلمسینه و مقصد اصلی هم ذبح قراین ایلله ایفای وجیهه شرعیه همدۀ عساکر شاهانه غزاة و مجروحینه اغانه فضائلك جمعندن عبارت اولمسنه نظراً ذبح ایدیلهرك قراین جلود و لحومك بو امر خیره خرج و بر صورت مؤتمنه ده توزیعی ضمننده اوقاف هایون ناظری پاشا حضر تلرینك ریاستی تحتندۀ دوئما اغانه سی قومیسوئندن و باب فتوا ایلله شهر امانتدن برر اعضا بولمق اوزره برانجمن تشکیلی ایلله ایجاب حالك مذاکره سی مجلس و کلاجه تنسیب قلمشدر . « استخبارات »

وثائق تاریخیه

علمایه خطاباً جهاد بیاننامه سی

مقام مشیخت علیا مستشارلغندن تبلیغ ایدلشدر :

اطرافیزی احاطه ایدن دشمنلرك عسکرلرینی تشویق و تشجیع ایچون بتون رؤسای روحانیلری صلیب بدست اوله رق اردولرنده چالیشمقده اولدقلری سالده بزم علماطرفندن هنوز بویله بروطفیه نك ایفاسندن تغافل ایدلمسی اصلاً و قطعاً جائز اوله میه جنی جهتله من عندالله موعود اولان نصرت و مظفریتك برآن اول عساکر عثمانیه جانبنده نمایان اولمسی ایچون علماء کرام طرفندن دخی بویولده بر جهاد اجرایی و ذاتاً هربری بر غضنفر اولان افراد عثمانیه نك قوه معنویه لرینك تقویه و اعلاسی فرض مرتبه سنه واصل اولمشدر . شووطفیه مهمه و مقدسه یه اشتراك ایچون کندوسنده اهلیت و قدرت کافیه موجود اولان علماء دینك ایچلرندن مناسبلری انتخاب و اعزام قلمق اوزره همان باب فتواده درس و کالتنه مراجعتۀ شتابان اولملری کمال اهمیتله اعلان اولنور . ۲۶ تشرین اول ۳۲۸

پایتختك تأمین آسایشی مقصدۀ تبلیغات رسمیه

مطبوعات داخلیه مدیریئندن :

بالقان حکومات اربعه سیله باشلانیلان حرب مقتضای تقدیر الهی اوله رق هنوز ایتدلیکی کبی قرین موفقیت اوله مامش و بو جهلندن اولق اوزره شرق اردوسی چتالجه خط مدافعه سنه چکیلک لزومی حس ایلله اوراده ا کمال تحشیدات ایتکده بولمشدر . بو خط مدافعه پایتخت سلطنت سنیه نك قپوسی مشابه سنده اولدینی جهتله پیشکاهنده دشمن اردوسی بولمسی پایتختك حضور و آسایشی اعتباریله حائر کمال اهمیتدر . شمدی چتالجه نك صورت لایقه ده اسباب مدافعه سنی استکمال نه درجه شایان اعتنا ایسه پایتخت قپوسنده کی بر محاربه نك یوزده اون موفقیتسزاک احتمالی بیله او قدر جالب نظر دقت اولق طبیعی بولندیغندن حکومت سنیه جه بر طرفندن کافه وسائط مدافعه یه مراجعتۀ ذرئما قصور ایدیلهرك حقوق و منافع مملکتك محافظه سه بذل مقدور اولمق ، دیگر طرفندن ده پایتخت سلطنت سنیه نك محفوظیتی امنیه سنه معطوف تدابیر

سیاسیه توسل ایلک طریق اختیار اولندی . بحوله تعالی پایتخت عثمانینك مصنوعیتی اسبابی استحصال ایدلمکده اولوب آنحق بونك برنجی درجه ده متوقف علیهی هرکسک کمال حضور و سکون ایلله مشاغل ذاتیه سنه حصر افکار ایدهرك احوال عادیه ده مضرت قلیل اولان افعالین بیله توقی ایتسی امر مهمیدر . حال بویله ایکن مقاصد مخصوصه تعقیب ایدن بعض اشخاصك اختراع و بعض سبکمز لرك نشر ایتدکلری یالان یا کلتش شایعات ایلله شهرک آسایش آتسی حقنده کی امنیته ضعف طریان ایتسی حکومت سنیه جه نظر مساحه ایلله کوریلهره . حتی بودرلو اشاعات مصنعه تأثیریلله اوروپا سفیرلری طرفندن دولت متبوعه لری تبعه سنه امنیت بخش اولق اوزره درسعات لیمانه موقتاً سفائن جلی التماس ایدلمش و طرف حکومت سنیه دن کافه تدابیر تأمینیه متخذ اولقله برابر اسعاف التماس موافق کورولمشدر . مسرودات آنفه ایلله تماماً آ کلاشیلورکه بو کون عن قصد و یاعن جهل بر طاقم حوادث کاذبه اختراعیلله تخویف قلوبه و تخدیش اذهانه چالشمق وطن عثمانیه قارشى بیوک بر خیانت و بلکه بر جنایتدر . بناء علیه استخلاص وطنی اس الحركات اتخاذ و بتون دقت و غیرتی بو نقطه یه رکز ایدن حکومت حاضره بودرلو شایعاتی ایجاد و بیلیر ییلمز تکرار و نشر ایدنلر حثنده مجازات شدیدۀ اجرایی و هر نه زم و صورته اولورسه اولسون تهییج اذهانی و اخلال سکون و حضوری انتاج ایدهرك بالجمه تشبثات و حرکاته قارشى تدابیر قطعیۀ اتخاذینی قرارلاشدیرمشدر . حکومت حاضره استناد ایتدیکی سلامت وطن امل ملیسندن اخذ قوتله فعالیت اعظمیه ایلله حرکتۀ عازم و هر درلو تردددن سالمدر . شو حقیقت عمومۀ معلوم اوله رق اوکا کوره حرکت ایدلمک و ارباب مطبوعات ده غرته لرنده لسان جدیته یاقیدمناز مقالاتدن توقی ایلک اوزره کیفیت بیان و اعلان اولنور . ۲۸ تشرین اول ۳۲۸

حریت و اشرف قلوب برینک اسرارى مقصدۀ بیاننامه

آلتیوز سنه نك عثمانی سلطنتك اوروپا هیئت دولیه سی اعضا لغندن چیقارلسی مهاجراتیه الك نازک بر دوره یه کیرن و مقدراتی اولا اراده السیه ، ثانیاً کندی سونکوسنه استناد ایدن بوملت معظمه نك افرادی آرهم سنده شو صره ده فرقه حیاتی تفرقه حیاتیله تفسیر ایدیلهره چکی و برفرقه سیاسیۀ نك عوامل فعالیتندن اولان انتخابات ایلله پارلتنو مشاغلنه احوال حربیه یوزندن الحاله هذۀ امکان کورلدیکی جهتله اجتهاده بدل جهاده حرمت و تسلیمیت کامله کوسترمک وضعیتنده بولندیغمری بالقدر اقدیجه برفرقه سیاسیۀ تشکیلیله بزی میدان مجاهده یه سوق ایدن عوامل اردونك سیاساتدن و بولتیقه جیلردن (ولولک کچ اولسون) قورتلسی صورتیله زائل اولدیغندن جناب حق بوملت نجیبیه یی محاربه حاضره دن سلامتله چیقارمسی دعاسیله حریت و ائتلافک سیاسی پروغرای وقت مرهونده آچیلهرق اولان مجلس مبعوثانمرك اعضاى محترمه سنه امانت ایدیلهرك بودقیقه دن اعتباراً مملکتده حال طبعینك عودتنه قدر مؤسسات سیاسیۀ مزك سدیله بتون عثمانیلرك حساسیت فدا کاریلرینی لازمه حربک یوکسک بر پارمق ایلله اشارت ایلدیکی - دمت وطنیه یه حصر و توجیه ایتلری توصیه و بیان اولنور . ۲۸ تشرین اول ۳۲۸

حریت و ائتلاف فرقه سی رئیس ثانسی

صادق

اداره عرفیه بیاننامه نك ایلنجی زبلی

- ۱- ۲۵-۲۴ تاریخی اداره عرفیه بیاننامه سنك صواب قتره سی ملغادر . یعنی فرق سیاسیۀ قلوبلرده اجتماع موعودر .
- ۲- خسته خانه حاله افراغ اولنان قلوبلرده مجروحینك امور صحیه سیله خدمتنه مأمور اولانلردن غیر کی ۴ بولک میه حق ، یالکز اوقات مخصوصه ده مجروحینی زیارتۀ کلنلر قلوبلره کیره بیله جکاردر .
- ۳- قلوبلرك امر محافظه سیله مکلف اولان مستخدمین ممنوعیت واقعه دن مستنادر . ۳۰ تشرین اول ۳۲۸

مطبعة احمد احسان و شرکاسی مدیر مسئول : اشرف ارید